




Broj: 01-02-1-2192/23

Sarajevo, 30. 1. 2024.

**PREDSJEDAVAJUĆEM DOMA NARODA
PARLAMENTARNE SKUPŠTINE
BOSNE I HERCEGOVINE**



Na osnovu člana 40. stav (1) i člana 100. Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15, 96/15 i 53/16), Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH je na 11. sjednici, održanoj 30. 1. 2024., razmatrala Prijedlog zakona o izmjeni i dopunama Zakona o osnovama sigurnosti saobraćaja na putevima u Bosni i Hercegovini, te predsjedavajućem Doma naroda Parlamentarne skupštine BiH dostavlja

MIŠLJENJE

**o Prijedlogu zakona o izmjeni i dopunama Zakona o osnovama sigurnosti saobraćaja
na putevima u Bosni i Hercegovini**

Predstavnički dom Parlamentarne skupštine BiH, kao ovlaštenu predlagач, dostavio je 25. 12. 2023. Domu naroda Parlamentarne skupštine BiH Prijedlog zakona o izmjeni i dopunama Zakona o osnovama sigurnosti saobraćaja na putevima u Bosni i Hercegovini (u daljnjem tekstu: Prijedlog zakona) radi razmatranja i usvajanja.

Predstavnički dom PSBiH, kao ovlaštenu predlagач, dostavio je uz Prijedlog zakona Mišljenje Direkcije za evropske integracije i naknadno, Mišljenje Agencije za zaštitu ličnih podataka u Bosni i Hercegovini. U Mišljenju Direkcije za evropske integracije navedeno je da „nakon analize odredaba Prijedloga zakona i pravne stečevine Evropske unije (*aquis*), utvrđeno je da konkretno pitanje na koje se odnosi Prijedlog zakona nije regulirano propisima Evropske unije“. U Mišljenju Agencije za zaštitu ličnih podataka u Bosni i Hercegovini navodi se da „sa aspekta zaštite prava na privatnost i obrade ličnih podataka Agencija nema primjedbi“.

Zakonodavno-pravni sektor Sekretarijata PSBiH je 26. 12. 2023., na osnovu člana 97. st. (1) i (2) Poslovnika Doma naroda, Kolegiju Doma dostavio Mišljenje o usklađenosti Prijedloga zakona s članom 95. Poslovnika Dom naroda i Jedinstvenim pravilima za izradu pravnih propisa u institucijama Bosne i Hercegovine.

Kolegij Doma naroda PSBiH aktom broj: 02-50-7-17-13,2/23 od 3. 1. 2024., kao nadležnu komisiju za razmatranje Prijedloga zakona odredio je Komisiju za vanjsku i trgovinsku politiku, carine, saobraćaj i komunikacije (u daljnjem tekstu: Komisija).

Komisija je na 11. sjednici, održanoj 30. 1. 2024, u svojstvu nadležne komisije i u prisustvu predstavnika predlagača, razmatrala Prijedlog zakona u prvoj fazi.

Nakon rasprave, Komisija je s tri glasa „za“, dva glasa „protiv“ i jednim glasom „suzdržan“ podržala principe Prijedloga zakona o izmjeni i dopunama Zakona o osnovama sigurnosti saobraćaja na putevima u Bosni i Hercegovini.

Za izvjestioca na sjednici Doma naroda imenovan je Safet Softić, predsjedavajući Komisije.



Dostavljeno:

- naslovu
- Indoku
- a/a